

S LO
Afl. 1.25

BRIYANDO FUERTE • TRECIENDO CLARIDAD
DIAHUEBS 30 APRIL 2026

Di Pueblo



Feliz Dia di Obrero



WWW.SOLODIPUEBLO.COM



SOLODIPUEBLO@GMAIL.COM

**RAAD VAN AVIES NA
GOBIERNO:
HOFA NO POR
SIGUI ASINA!**



**POLIS Y TEAM DI RESCATE
RIBA HOOIBERG PA UN
TURISTA CU A BIRA MALO**

**WARDACOSTA DI CARIBE
HULANDES TA INTERCEPTA UN
TRANSPORTACION DI DROGA**



Awo cu 2 florin mas, bo por gana e **MEGA PLUS**

* Afl.

1.100.000,-

* Afl. 250.000,- + Afl. 850.000,-
extra

Benta ta sera 7:30 pm y sorteo ta hunga 7:45 pm



HUNGA AWO



Fraccion di MEP: AVP-FUTURO 1 AÑA GOBERNANDO, PERO SIN DIRECCION Y SIN LIDERASGO



ORANJESTAD - Despues di casi un aña di gobernacion, e gobierno actual ainda no a logra pone claridad basico den su propio structura di responsabilidad. Te ainda, e “Landsverordening Instelling Ministeries” LIM no a wordo aproba, loke kiermen cu oficialmente no ta cla cua minister ta responsabel pa cua cartera.

E situacion aki no ta solamente preocupante, pero tambe inaceptabel.

Un gobierno cu no tin su propio reparticion di tarea formalisa, ta crea confusion tanto internamente como pa Parlamento y pa pueblo. Esaki a bira mas evidente ora un otro minister a aparece den Parlamento pa duna splicacion riba un tema cu formalmente ta cay bou di responsabilidad di e minister-presidente, cu ta firma e reportahenan di Landspakket.

E resultado ta un gobierno cu ta opera sin linea

cla, sin responsabilidad defini y sin transparencia suficiente. Esaki ta debilita control parlamentario y ta mina confianza di ciudadano.

Nos pais merece miho. Gobernacion serio ta cuminsa cu claridad: ken ta responsabel, pa kico, y con e por wordo

responsabilisa. Ta tempo pa e gobierno pone ordo den su propio cas.

Clasificados

SOLODIPUEBLO@GMAIL.COM
CEL. 585 9500

**DEPARTMENT of ECONOMIC AFFAIRS,
COMMERCE & INDUSTRY**

**Due to the relocation of our department,
our offices will be closed from May 4TH through May 8TH.**

We will reopen on May 11TH

Cas Veneranda
Wilhelminastraat 7

We apologize for any inconvenience.

5212400 | info@deaci.aw

POLIS Y TEAM DI RESCATE RIBA HOOIBERG PA UN TURISTA CU A BIRA MALO

Santa Cruz, ARUBA:
Un rato pasa Polis y
autoridadnan competente
a wordo dirigi cu maximo
urgente riba e top di
Hooiberg pa un turista
Hulandes di 75 aña cu a
bira basta malo.

Den un forma tactico y bon
coordina hunto cu team di
rescate forma pa bombero
y ambulance, Polis a subi e
top di hooiberg pa rescate

e turista cu a bira malo.
Riba e top personal di
ambulance a stabilisa e
turista hende homber pa
asina prepare pa bah'e for
di e sero.

Despues di un rato
trahando den equipo a
logra baha e persona for
di e sero pa despues wordo
transporte pa hospital pa
mas tratamiento medico
avansa.

Un tremendo trabou di
nos agentenan tambe
team di rescate pa asina
den un forma sigur a
baha e persona for di sero
di Hooiberg.

Altocomisario sr Arnhem
ta manda palabra di elogio
na e coleganan y tambe
na e team di rescate . Un
tremendo trabao di tur e
departamentonan.



Feliz Dia di
LABOR



Parlamentario Endy Croes: Parlamentarionan di Panlefi di AVP-Futuro **NO TA KITA E TERENONAN DI BENNY, PERO SI KIER COBRA ESUNNAN CU A RICIBI FASE BEK!**

Parlamentario Endy Croes a keda babuca cu e actuacion di Parlamentarionan di AVP-Futuro relaciona cu e caso Avestruz di ex minister di AVP, Benny Sevinger. Manera ta conoci 14 di april ultimo 5 Hues na Hulanda den Casacion a baha pisa riba e gang di criminal di AVP entre otro Benny Sevinger, Leoncita Arends di Canal 90 y Pieter Sussebeek padraso di minister Gerlien Croes.

E caso aki a wordo evalua den tur instancia di nos sistema hudicial:

- Un (1) Hues den Eerste Aanleg
- Tres (3) Hues den Hoger Beroep (Hof)
- Cinco (5) Hues den casacion

Cu suficiente prueba y "harde feiten", e nueve huesnan aki a haya Benny Sevinger y su gang culpabel di e corrupcion mas grandi cu Pais Aruba a conoce den su historia. Locual ta hala atencion ta e parlamentarionan (nobo) di AVP-Futuro. Aunke nan ta pretende di hiba un "politica moderno", nan no a bisa ni UN palabra riba e tema aki te cu awe. Pueblo tambe ta babuca cu e actuacion aki. Shame!

Un siman prome cu e sentencia Parlamentarionan tabata activo:

Un siman prome cu e sentencia di caso Avestruz Parlamentario nan di AVP-Futuro tabata activo cu un strategia pa desvia e atencion

di e siman crucial cu tabata na caminda unda Casacion a condena e gang criminal di AVP. Pueblo por corda bon con e fraccion di AVP-Futuro a "gara" na un rapport di Algemene Rekenkamer riba e jaarrekening di aña 2020, publica den luna di maart. Ta importante pa aclaria cu e pasashi den e rapport aki tocante FASE ta simplemente un repeticion di argumentonan cu Rekenkamer a publica caba for di aña 2022. No tin niun dato nobo, sino un intento pa recicla informacion bieu pa crea un cortina di huma. Akinan, e parlamentarionan panlefi manera Bermudez, Hart, Kelly, Heyliger y Jennifer, pa nombra algun, tur a graba un cantidad di video y "reels" pa comenta riba e rapport aki.

Lamentablemente, e mensahe final di e parlamentarionan aki ta masha cla: nan ta exige pa Gobierno cobra tur e 15 mil ciudadanonan cu a ricibi ayudo di FASE e placa aki bek. Nos ta lamenta profundamente e pensamiento mesquino aki di e parlamentarionan "chiripero" di AVP-Futuro. Purba ataca un ayudo social cu a bay pa miles di famia den tempo di crisis, djis pa desvia atencion di e condenan di corrupcion den nan propio seno, ta simplemente ridiculo!

No kier pa Gobierno kita terenonan pero si kier cobra FASE bek:

Parlamentario Endy Croes, den nomber di Fraccion di MEP,



a presenta un mocion fuerte durante e reunion publico di dia 16 di april ultimo. Esaki a bin inmediatamente despues cu e sentencia di e cinco (5) Huesnan di Casacion a keda conoci, confirmando cu e criminalnan di AVP mester bay KIA pa sinta nan sentencia.

E mocion presenta pa Parlamentario Croes tabata tin un meta cla:

- Pidi Gobierno pa investiga tur e terenonan caminda a keda proba cu Benny Sevinger (AVP) a haci negoshi ilegal cu nan.
- Facilita pa Gobierno por "trek in" e terenonan aki.
- Percura pa Pais Aruba haya e terenonan aki bek y duna nan na e pueblo cu berdad tin mester.

Pa sorpresa di hopi, e fraccion

di AVP-Futuro a opta pa vota CONTRA e mocion aki. Cu un total di 11 voto contra, e mocion a keda rechasa y desapropa den Parlamento. E 11 parlamentarionan di AVP-Futuro kier cobra 15 mil ciudadano cu a ricibi FASE den e momentonan mas dificil di pandemia, ora hende a perde trabou y Gobierno a brinda un man pa yuda. E mesun 11 parlamentarionan aki ta aproba e corrupcion di siglo di AVP y ta opta pa laga pueblo sin tereno.

"AVP-Futuro a certifica e robo historico di Pais Aruba. Esaki ta e supuesto 'politica nobo y moderno' cu nan ta predica. Mientras nan ta persigui e ciudadano humilde pa FASE, nan ta proteha e bandidonan cu a horta tereno di pueblo." Parlamentario croes a conclui.

RAAD VAN AVIES NA GOBIERNO: HOFA NO POR SIGUI ASINA!

Oranjestad – Raad van Advies a emiti un conseho na Gobierno riba HOFA: Nan mensahe ta cla: aunke e ley du HOFA tin bon intencion, e forma actual ta causa preocupacion serio. E proposicion di Rijkswet HOFA tin como meta pa controla y garantiza cu finanzas publico di Aruba keda den bon orden, pero segun e Raad, e ley mester worso revisa hopi bon promer cu sigui dilanti.

E Conseho ta reconoce cu disciplina financiero ta importante, especialmente pasobra Aruba a lucha den pasado cu debe halto y problema di presupuesto. Sin embargo, e Raad ta alerta cu e solucion cu HOFA ta propone por tin consecuencia negativo.

Precupacion grandi: menos autonomia

Un di e punto mas critico ta cu e ley por duna Hulanda demasiado influencia riba decisionnan financiero di Aruba. Segun e Raad di Avies, esaki por limita e libertad di e pais pa dicidi riba su propio maneho economico.

Reglanan no ta cla

E documento tambe menciona cu tin falta di claridad riba ken tin poder final y con proceso di decision ta bay. Esaki por crea conflicto legal y confusion den gobernacion.

Peligro pa flexibilidad

E Raad ta adverti cu e reglanan por ta demasiado rigido, sin espacio pa

reacciona na crisis manera COVID-19. Den caso di emergencia, Aruba mester tin espacio pa move rapido sin demasiado restriccion.

Ta pidi cambio

E conclusion ta cla: e ley HOFA, den su forma actual, no ta cla pa wordo aproba. Raad di Avies ta pidi pa haci cambionan importante, clarifica reglanan y proteha autonomia di Aruba.

Raad ta bisa:

HOFA tin bon meta, pero e riesgo di perde control propio y falta di claridad ta haci cu e ley mester wordo revisa seriamente. Aruba mester un balance entre disciplina financiero y independencia.

Posicion di Partidonan:

MEP

Desde Augustus 2025 Partido MEP a laga sa cu HOFA no ta corecto pa Aruba. MEP a bisa: “supervision si, Hofa no”. Nan a alerta pueblo cu e gobierno di AVP/FUT mester a negocia mihor, y no just entrega na amen di Hulanda.

AVP

Partido Avp a bisa cu Hofa ta un “done deal”. Eman a bisa cu e no kier mas confrontacion cu Hulanda, e kier pas. Tambe nan mester cumpli cu condicion di Gerlien, cu ta pro HOFA! Pues por constata cu AVP a perde e animo di lucha. Nan ta dispuesto pa complace

Gerlien pa keda den Gobierno. Naturalmente nan ta laba man bisando cu ta Evelyn a firm’e, asabiendo cu nan sa masha bon cu ta Eman y Gerlien a firme na Augustus 2025.

FUTURO

Partido Futuro ta pro Hofa! Si Gerlien mester lansa mentira pa HOFA, el’a muestra cu e por. Dia 17 di Maart 2026 el’a ganja



pueblo cu HOFA kemen un spaar di 800 miyon na interes. Documentonan oficial a muestra cu apenas e

preatamo di Covid ta duna un spaar di 7.5 miyon pa aña. Pues un cifra mucho mas abao.



Feliz Dia di Obrero!

Danki na cada persona laborando cu amor pa nos dushi Aruba.



WARDACOSTA DI CARIBE HULANDES TA INTERCEPTA UN TRANSPORTACION DI DROGA



Pa di dos biaha den un siman, e barco di Marina Real Hulandes, Zr.Ms. Friesland a intercepta un transportacion di droga riba lama Caribense. E barco di Marina Real Hulandes tabata nabega bou di bandera di Wardacosta di Caribe Hulandes. Riba diadomingo 26 di april, e avion Dash-8 di Wardacosta di Caribe Hulandes a tuma nota di un

boto cu droga nabegando riba lama Caribense. Zr.Ms. Friesland a reacciona mesora i tambe a manda dos boto tipo FRISC den direccion di e boto, pa asina intercepta esaki. E droganan y e 4 sospechoso nan a ser entrega na miembronan di Cuerpo Policial (KPA) aya na Steunpunt di Wardacosta na Savaneta. Mientras tanto a destrui



tur droga. E tipo di operacion nan aki ta demostra un bia mas, con importante ta pa sigi traha hunto cu tur nos partner nan den kadena hudisial. Hunto nos ta fuerte.

CEDE DI BBQ Y CUSHINA DI NESTOR TA ON DIABIerna 1 DI MEI NOS DIA

Cede di bbq y cushina di Nestor ta on diabierna 1 di mei nos dia. Menu bbq Mix Galinja Loinribs ribe; steak STEAK Pincho galinja y pork Menu di saco Galinja Loinribs Mix Special Nos ta habri d 11:30 p 9or di anochi riba un marathon aki.

Y e bar ta hopi bon surti pasa serca nos na Siribana 45b na St Cruz net tegen over di Jumbo Restaurai

Felis dia di OBRERO PA TUR HENDE.



Parlamentario Evelyn Wever-Croes

**GOBIERNO NO TIN VISION PA SOLUCION
DI BUBALIPLAS, Y NO TIN BOLUNTAD
TAMPOCO PA UN SOLUCION**



ORANJESTAD — “Despues di a pidi un reunion urgente den Parlamento 9 luna pasa, porfin nos a debati riba e molester di holor na Bubali y Parkietenbos. Lamentablemente, nos a topa cu un Gobierno cu no tin plan, no tin vision y cu no ta compronde e urgencia di e situacion aki”, lider di Fraccion di MEP, Evelyn Wever-Croes a duna di conoce.

“Como e unico partido cu ta boga pa solucionnan real, nos a bay laga e solucion atras pa Gobierno actual. Sinembargo nan a scoge pa stop e plan y keda sin presenta un plan nobo. Unico posibel solucion cu Minister Dowers a presenta, ta pa pasa tuberianan di Bubali pa Parkietenbos, pa manda e sushi Parkietenbos.

Nos a puntra con e tin pensa di pasa e tuberianan ey, si

ta den cura di hende, of riba caminda; nos a puntra ki tempo esey ta keda cla, mirando cu e planta actual ta trahando demasiado riba su capacidad caba, y mester di solucion urgente; tambe nos a puntra cuanto e inversion aki lo sali, y con lo financia esaki. Ningun di e preguntanan aki a wordo contesta. Minister Dowers, e parlamentarionan di AVP y Futuro a scohe pa hunga weganan politico, yudando e minister pa e no mester a contesta. Mirando cu

Fraccion di MEP no ta solamente cuestiona, pero tambe aporta cu solucionnan, nos a presenta un mocion pa obliga Gobierno bin cu un plan concreto den un plaso di 6 siman. Nos kier mira trabou, nos kier mira resultado. Sinembargo, den un acto di irresponsabilidad total, AVP y Futuro a scoge pa vota CONTRA. Door di

nan falta di cooperacion, nan a lag’e bon cla cu nan ta prefera pleito politico prome cu e bienestar di nos hendenan.

Aruba a keda sin e solucion cu e merece awe, pero nos di MEP no ta bay keda man crusa. Nos compromiso cu bo ta keda firme. Nos lo sigui na timon, poniendo presion y trahando, te ora e molester aki keda soluciona for once and for all.

Aruba merece seriedad, y nos lo no stop te ora nos logr’e!” tabata e palabranan di Evelyn Wever-Croes

Motie no. 1, Fractie MEP
OV# 10 d.d. 28 april 2026.
Voortzetting

STATEN VAN ARUBA
Ingek: 28 APR 2026
Volgnr: IS/952/25-26

STATEN VAN ARUBA

MOTIE
van de MEP-Fractie

De Staten van Aruba, in vergadering bijeen op 28 april 2026,

Overwegende dat:

- de waterzuiveringsinstallatie te Bubali verouderd is en niet langer voldoet aan de huidige en toekomstige capaciteitseisen van Aruba;
- er sprake is van aanhoudende stankoverlast, lozing van water van onvoldoende kwaliteit in zee en een reëel risico op uitval van de installaties;
- sinds 2017 aanzienlijke middelen zijn ingezet voor tijdelijke oplossingen en noodzakelijke reparaties;
- in 2022 een integraal en duurzaam plan is ontwikkeld, onder meer met betrokkenheid van Royal HaskoningDHV, gericht op structurele verbetering van de afvalwaterverwerking;
- dit plan, dan wel andere duurzame oplossingsrichtingen, tot op heden niet tot uitvoering zijn gebracht;
- het ontbreken van een duidelijke langetermijnvisie en concrete maatregelen het risico op ernstige milieuschade, economische schade en volksgezondheidsproblemen vergroot;
- de huidige regering bestaande plannen heeft stopgezet zonder een volwaardig alternatief te presenteren;
- de urgentie van de problematiek onverminderd hoog is en verdere vertraging onverantwoord is;

Verzoekt de regering:

- om binnen zes (6) weken na aanname van deze motie een concreet, integraal en duurzaam plan voor de lange termijn inzake de waterzuivering te Bubali aan de Staten voor te leggen;
- waarbij dit plan gebaseerd is op, dan wel gemotiveerd afwijkt van, het voorgestelde plan van Royal HaskoningDHV, of een aantoonbaar gelijkwaardige of betere duurzame oplossing bevat;
- in dit plan duidelijkheid te geven over financiering, fasering, uitvoeringstermijnen en risicobeheersing;

En gaat over tot de orde van de dag.

Aruba Wastewater Sustainable Solutions

Ta desea Aruba un Feliz

DIA DI LABOR

EDUARD PIETERS TA EXIGI RESPONSABILIDAD RIBA CRISIS NA CENSO: “GOBIERNO A CREA CAOS, PUEBLO TA PAGA E PRIJS”

Durante e rueda di prensa semanal di fraccion di PPA, parlamentario Eduard Pieters a bolbe trece un problema, cu ta creciendo den silencio, pero cu ya a bira inaceptabel: e caos den sistema di Censo Aruba. Loke cu mester ta un proceso basico di inscripcion, a bira un obstaculo grave pa un cantidad di hende cu kier traha y contribui na Aruba.

Un sistema colapsa, gobierno ta mira otro banda

Segun Pieters, desde januari caba tin problema cu registracion na Censo. Fraccion di PPA a bati alarma di e problema aki den luna di maart, pero awe cu ya nos ta drelando luna di mei, ainda no tin niun solucion concreto. Hende no ta logra haya cita pa inscribi na Censo, algo cu directamente ta afecta p.e. e studentenan cu ta bin bek for di exterior y cu kier reintegra den mercado laboral di Aruba. E resultado ta un situacion caotico, unda hende ta keda blokea, sin posibilidad pa bay dilanti.

Responsabilidad tin nomber: Dowers y Eman

Pieters no ta evita pone responsabilidad unda e mester ta. Segun Pieters, esaki no ta un falta di e trahadornan di Censo, sino un problema di maneho politico. “E problema aki tin nomber y fam,” el a bisa, señalando directamente na Minister Artur Dowers y Minister Mike Eman. El a critica e decision cu nan a haci, pa legalisa miles di persona, sin prepara e cadena completo di proceso, ignorando e impacto riba e departamentonan, manera Censo y AZV.

Pa Pieters, esaki ta un ehempel cla di mal gobernacion, unda ta tuma e decisionnan sin planificacion debido y alinea y pa

colmo sin coordinacion entre e ministerionan, creando un efecto domino cu finalmente ta perhudica unicamente e ciudadano.

E trahadornan ta carga e culpa di mal maneho

Un punto importante cu Pieters a enfatisa ta, cu e critica no ta dirigi na personal ni director di Censo. Al contrario, el a reconoce cu Censo como institucion semper a traha duro y a mehora su proceso den e añanan cu a pasa. Pero segun Pieters, e decisionnan politico actual ta pone un carga in hustoria y trahadornan, creando un imagen negativo pa un departamento, cu no ta responsabel pa e caos actual.

Pregunta sin contesta, silencio di gobierno

Fraccion di PPA no a keda na critica solamente. Ya for di dia 30 di maart, nan a presenta 18 pregunta formal na gobierno tocante e situacion aki. Awe, casi un luna despues, ainda no tin niun contesta. Pa Pieters, esaki ta inaceptabel y ta muestra falta di transparencia, respet y urgencia cu e situacion aki.

“Un gobierno cu no responde, ta confirma cu no tin control riba su propio sistema,” el a indica.

Impacto real: hende sin trabou, sin seguro, sin proteccion

Mas cu politica, e impacto di e crisis aki ta humano y directo. E studentenan of adulto cu a bolbe Aruba pa traha no por firma contrato, paso nan no ta inscribi. Pues nan ta keda na cas, sin entrada, sin seguro di AZV, sin proteccion, pues casi un ilegal riba nan propio isla natal.

Pieters a lansa un pregunta serio: ken ta para responsabel si algo pasa cu e hendenan aki? Si tin un accidente, un problema di salud?



Un contradiccion peligroso den politica di retorno

E situacion ta bira ainda mas grave, ora bo mira e contradiccion. Gobierno ta promove campaña pa motiva nos hobennan Arubianonan bin bek Aruba pa traha, pero den practica, nan no por ni registra nan mes ora nan yega. Pa Pieters, esaki ta un falta total di coherencia politico.

“Con bo ta invita hende bin bek, pero bo no por ofrece nan ni un

sistema funcional pa cuminsa?” el a cuestiona.

P

a Pieters, e mensahe final ta directo y fuerte. E crisis na Censo no ta un accidente, ta un resultado directo di mal decision, falta di coordinacion y ausencia di liderazgo y bon gobernacion. Pueblo ta paga e prijs di un gobierno cu no ta planifica ni responde.

Clasificados

SOLODIPUEBLO@GMAIL.COM

CEL. 585 9500



MINISTER DI HUSTICIA HUNTO CU BIA Y DRH A INTRODUCI GIO NA COMUNIDAD



Durante un conferencia di prensa diamars mainta, Minister di Husticia, Integracion, Transporte Publico y Energia Arthur Dowers hunto cu Marielle Meaux, directora di Bureau Integriteit Aruba (BIA) y funcionarionan di Departamento di Recurso Humano, a presenta GIO oficialmente na comunidad, hunto cu su portal digital www.gio.aw.

GIO, cu ta para pa Gedragscode Integriteit Overheidsmedewerkers, ta representa un instrumento strategico esencial pa fortalece integridad den sector publico. E plataforma digital nobo, accesibel pa tur empleado di gobierno y comunidad, ta brinda guia concreto y practico pa maneha y discuti situacionnan relaciona cu (posibel) violacion di integridad. Esaki ta facilita combersacionnan habri y responsabel entre colega y superior, basa riba e codigo di conducta oficial di gobierno.

E contenido disponibel riba www.gio.aw ta enfoca riba orientacion cla y hermentnan util pa identifica riesgonan na tempo. E plataforma ta duna sosten directo na empleadonan publico pa nan por actua cu siguridad y responsabilidad den situacionnan delicado, mientras cu nan ta proteha contra consecucionan innecesario.

E iniciativa aki ta bay mas leu cu solamente educacion. Door di enfoca riba prevencion, GIO ta crea un base firme pa un cultura di confiansa, transparencia y responsabilidad den henter aparato gubernamental. Considerando cu hopi empleadonan publico ta drenta servicio sin conocimiento amplio di regulacionnan manera e LMA, GIO ta contribui directamente na ampliacion di conocimiento tocante nan derecho, obligacion y responsabilidadnan, no solamente den nan trabao diario, pero tambe



den nan comportacion profesional y interaccion cu otro coleganan. Ademas, GIO ta reforsa e capacidad institucional di Bureau Integriteit Aruba pa sigui impulsa maneho di integridad den sector publico. E colaboracion estrecho entre BIA y Departamento di Recursonan Humano ta muestra un acercamento holistico, cu ta pone integridad como un pilar central den gobernacion moderno.

Cu e lansamento di GIO y su plataforma digital, Gobierno ta haci un paso strategico pa fortifica integridad, aumenta confiansa y garantiza un servicio publico mas transparente

POP-UP Sale

¡Encuentra tus favoritos!

- **Make-up**
- **Hair Fashion**
- **Earrering-jewelry**
- **and more.**

TUR COS A 2 florines SO

Montaña # 1, A

Día: 3 May

Open 9.00 - 3.00 AM PM

WhatsApp 6996666

Fraccion di MEP; SIGURIDAD Y DIGNIDAD NA PIA DI TRABOU NO TA ASUNTO PA WEGA POLITICO! MINISTER WENDRICK CICILIA TIN 3 SIMAN PA CONTESTA

ORANJESTAD - Den cuadro di Dia Mundial di Siguridad y Salud na Trabou Fraccion di MEP a haci uzo di su rol constitucional pa haci pregunta na Minister di Labor tocante siguridad y salud na trabou, y tambe siguridad social na pia di trabou, incluyendo proteccion contra conducta inaceptabel “grensoverschrijdend gedrag”.

MEP ta considera cu un ambiente di trabou sigur no ta un luho, sino un derecho basico di cada trahador. Pesey e fraccion kier haya informacion tocante control, cumplimiento di reglanan existente y proteccion efectivo contra abuso, intimidacion y otro forma di conducta inaceptabel riba luga di trabou.

Cu esaki na mente, fraccion MEP a manda un serie di pregunta pa Minister di Labor Wendrick Cicilia, enfoca riba:

- ☐ su vision y meta concreto pa mehora siguridad na trabou,
- ☐ e nivel di inspeccion y cumplimiento di ley,
- ☐ responsabilidad di empleadonan,
- ☐ y medida concreto pa combati conducta cu ta pasa limite, manera intimidacion y acoso sexual.

Fraccion MEP ta di opinion cu transparencia y “accountability” ta esencial pa logra mehoracion real. Pueblo di Aruba tin derecho di sa con e gobierno ta proteha nan seguridad y dignidad na pia di trabou.

Conforme reglanan di Parlamento, e minister tin un periodo di tres (3) siman pa contesta e preguntanan presenta.

Fraccion MEP lo sigui monitorear esaki cu rigor y no ta exclui paso adicional si resulta cu e contesta no ta satisfactorio of si falta accion




Feliz Dia di Labor

SVb ta participa cu riba
diabierna 1 di mei 2026
tur oficina ta cera.

POR NOTIFICA AO unicamente den
MiSVb Trahado App.

Orario: 7:00am pa 11:00am.

Clientenan cu haya problema cu e
MiSVb Trahado App por comunica
pa ayudo via di
Whatsapp +297 527 2727
(unicamente texto.)



Damnan cu limitacion di awa pa motibo di segura

“SANTA ROSA TA SPLICA REFERENTE ALTERNATIVA CON PA SURPASA E TEMPORADA AKI”

Departamento di Agricultura, Cria y Pesca- Santa Rosa, manera semper ta e caso durante e temporada aki, a bin ta premira e situacion di awa di Dam for di algun luna caba pa motibo di e falta di yobida na fin y comienso di ana. Hopi di nos productornan local ta depende riba e awa di Dam cual Santa Rosa ta entrega via truck y na un prijs subsidia door di Gobierno. Sin embargo, durante e ultimo dianan aki, a tuma nota cu awa di dam ta cabando. Na e mes momento, por confirma cu e demanda pa awa di dam ta sigi halto pa e calor fuerte y e stof di Sahara cu tambe tin un impacto ariba hopi tipo di mata. Di otro banda, mester ta realistico, cu si Aruba no haya un bon yobida cu ta sirbi pa yena e damnan, ta dificil pa Santa Rosa por sigi cumpli cu e entrega diario di awa na nos Cunukero nan. Otro factor den e ultimo dianan, cu nos por constata, ta cu pa motibo di e calor y temperatura ta halto ta hasi tambe cu na momento cubo ta muha bo matanan e awa ta evapora masha liher mes. Nos ta spera cu den e proximo dianan nos dilanti, awor cu e cambio climatico tin desaroyo nan poco usual cu locual e ta normalmente, cu poco awa por yobe pa por logra yena e damnan cu suficiente awa pa por sigi colabora cu nos productornan pa asina, nan por muha nan cultivo.

Departamento di Agricultura, Cria y Pesca Santa Rosa ta hasi un apelacion pa tene na cuenta cu e situacion aki. Tur nos clientela cu ta pidi truck di awa na cantidad halto y paga di adelanta, tene cuenta cu nos lo tuma pago pa entrega di awa cu truck na un cantidad limita. Motibo ta cu nos no por cumpli cu e demanda mientrastanto cu no tin awa.

Ban spera cu e temporada nos dilanti por ta mas alentador pa asina trece poco awasero, pa nos por continua cu nos servicio di entrega di awa di Dam na nos clientela. Na e momentonan aki ta 4 Dam so ta disponi di awa pero cu tin un cantidad limita ta, esta; Dam di Tanki Leendert, Dam di Tanki flip, Dam di Rooi afo y Dam di Hooiberg. Pa e motibo aki tambe, cu nos ta hasi un peticion na tur persona, pa no tira sushi serca di e dam nan, especialmente no bestia morto y no busca awa di dam pa otro uso cu no ta pa muha mata of pa criansa di bestia.

Santa Rosa tin tur comprension pa e situacion, cu gran parti di nos productornan local ta depende ariba awa di dam, pa nan por minimalisa e uzo di awa di WEB Aruba NV y evita gasto halto. Pero como un bon partner di Santa Rosa, nos kier

recorda tur nos cunukero y criador nan ariba e opcion di por hasi peticion pa e awa subsidia di AWG 5.50 pa cube. Esaki lo asegura cu boso mata/ cosecha no ta bay perdi of cu boso bestia nan no ta keda falta awa fresco pa nan bebe.

“Meter di WEB cu awa subsidia pa productor nan comercial of 65+”

Kiko ta e rekesitonan pa por hasi peticion pa e awa aki?

- E cliente tin un tereno di dominio publico cu un superficie mínimo di 400 m², cu ta completamente destina pa uso di agricultura, horticultura y ganaderia, ta eherce un negoshi agrario cu ta registra na registro di comercio di e Kamer van Koophandel en Nijverheid. Pa esnan cu ta registra na Santa Rosa y ta 65 plus.
- Bou di agricultura y horticultura explicitamente NO ta cai cultivo di flor, mata ornamental of cultivo di cannabis.
- E cliente mester usa permanentemente mínimo 400 m² di e terreno menciona pa actividadnan di agricultura, horticultura y/of ganaderia. Tambe aki, cultivo di flor, planta ornamental of cannabis no ta inclui.
- E awa cu ta wordo suministra pa medio di e “Meter di Agricultura Comercial” lo wordo entrega pa uso di agricultura horticultura solamente via un sistema di irrigacion di goteo, cu linea di distribucion, cramchi di distribucion y slangnan lateral conecta cu slangnan di goteo of transpiracion. E cliente ta responsable pa cumpli cu un bon funcionamiento di e sistema aki.
- E cliente ta obliga pa usa e awa proveniente di e meter di agricultura solamente pa su propio terreno y exclusivamente pa actividadnan di agricultura, horticultura y/of ganaderia. No ta permití en ningun forma pa usa e awa pafor di su propio terreno, ni pa cualkier otro motibo, ni door di e mes persona ni door di tercero.
- Den caso di uso di un tanki di buffer, e tanki di almacenahe mester tin un caminda accesibel pa e sistema di suministro di awa via e meter di agricultura, cu e conexionnan necesario pa yena e tanki for di ariba (“top fill”). E sistema mester ta hermeticamente sera sin leakage.
- For di Januari 2021, ta obligatorio pa permiti inspectornan autorisa di Directie LVV&M, Servicio Higienico y/of WEB Aruba N.V. pa subi su tereno pa control di higiene, inspeccion, recoleccion di informacion di produccion of tuma muestra di awa.



- Un cliente mester ta registra na DLVV. Na momento di registracion como agricultor of ganadero, e mester entrega un copia di su documento di huur, erfpacht comercial of declaracion di propiedad, hunto cu ID, y firma un declaracion na DLVV pa confirma cu e lo coopera cu DLVV tocante entrega di informacion y cifra mensual di produccion di su proyecto.
- DLVV lo ricibi cada 15 di luna un “Reporte di produccion” mensual di e cliente.
- Den caso cu un tereno huur wordo kita door di DIP of no ta wordo usa mas pa produccion agricola, e cliente mester notifica DLVV. Despues di esey, e no lo cualifica mas pa e tarifa especial pa agricultura of ganaderia. Den caso di cambio di terreno, DLVV mester wordo informa via carta of email na info@santarosa.aw.
- Si un cliente no cumpli cu un of mas di e regla menciona aki ariba, e no lo cualifica mas pa e tarifa special. DLVV lo informa WEB Aruba N.V. inmediatamente tocante terminacion di e derecho. Na esnan cu ta practica agricultura mas pa hobby, por cuminsa na pensa con pa colecta awa di washmachine pa por muha bo cultivo. No lubida cu cu ta un cantidad considerabel di awa ta bai perdi na momento di laba paña. Purba na colecta esaki ya cu awendia e detergentenan ta biodegradabel. Ta na momento di laba e paña so e detergente tin efectividad.

Un apelacion tambe na nos productornan cu ta disponi di meter di awa subsidia pa Agricultura, pa considera hasi uso di sistema di irrigacion pa hasi uso di e awa den un forma controla. Tambe corda controla bo sistema si tin leak pa e awa no bai perdi y muha caminda no mester. Importante ta pa mantene goot nan limpi y tankinan cla pa den caso di cualkier yobida, bo por colecta e awa. Corda pone tapa pa evita criadero di sangura.

“TA BASTA CU PALABRA Y TA ORA PA PONE ACCION” PIETERS A PONE GOBIERNO RIBA PRESION PA FALTA DI ACCION DEN BARIO DI PARKIETENBOS

Durante e reunion di diamars mainta di AWSS den Parlamento di Aruba, parlamentario Eduard Pieters di fraccion di PPA a manda un mensahe directo: ora gobierno no cumpli cu su responsabilidad basico, Parlamento mester interveni. E asunto aki no ta djis un preocupacion social, pero un problema serio di gobernacion, cu ta muestra con sistema no ta funciona manera mester ta.

Regla ignora, confianza debilita

Segun Pieters, e problema no ta cuminsa na bario, pero na e proceso mes. Conforme Reglamento di Orde, un peticion pa reunion publico mester ta atendi dentro di 30 dia, pero den e caso aki e reunion aki relaciona cu AWSS y maneho di desperdicio a dura casi 9 luna. Pa Pieters, esaki no ta un simpel retraso administrativo, pero un señal peligroso di negligencia institucional. El a cuestiona con un pais por papia di gobernacion serio, si ni su propio regla nan no ta respeta, pasobra cada biaha cu sistema faya, confianza di pueblo ta debilita.

Bario ta paga e prijs di inaccion

E realidad mas duro ta sinti den e barionan manera Cas Paloma, Ser'i Teishi Parkietenbos y Simeon Antonio, unda Pieters personalmente pa papia cu e habitantenan y mira cu su propio wowo e situacion

real. Den e henter e asunto delicado aki, historia ta ripiti su mes: un biaha mas ta haci e promesanan durante campaña, pero solucion concreto no ta yega. E sentimiento cu ta domina ta uno di cansancio y frustracion, pasobra e hendenan aki no ta pidi luho, loke nan ta pidi ta algo basico; un gobierno cu ta responde.

Politica vs responsabilidad
Pieters a laga cla cu esaki no ta un pelea di partido. “Aki no ta MEP of AVP, aki ta pueblo cu ta sufri,” el a enfatisa. Pero den e mesun momento, el a indica unda e responsabilidad mester ta: riba gobierno. No por normalisa ni hustifica falta di accion, pasobra gobernacion no ta un opcion, ta un obligacion cu ta bin cu e mandato di pueblo.

PPA ta exige accion, no promesa

Den e contexto aki, fraccion di PPA a sostene e mocion cu ta exige un plan di accion cla y inmediato. Pa Pieters, esaki no ta algo simbolico, pero necesario pa forza movimiento. Pueblo no ta pidi mas estudio, ni mas rapportnan, ni mas promesa, nan ta exige resultado concreto cu por cambia nan realidad. Sin accion, cada palabra ta keda bashi.

Un test pa gobernacion real

Pa Pieters, e situacion aki ta un prueba directo di con gobierno ta funciona.

Ta un momento di berdad, unda lo bira cla si sistema ta responde na pueblo of si e ta move solamente ora presion aumenta. El a recorda cu gobernacion no ta midi pa discurso ni intencion, pero pa impacto real den bida di ciudadano.

Ultimatum: pashenshi di pueblo a yega su limite

Den su stemvoting, e tono a bira contundente. Pueblo di Cas Paloma, Ser'i Teishi, Parkietenbos y Simon Antonio no por sigui warda sin limite. Pieters a laga



sa, cu si gobierno no actua cu urgencia, Parlamento lo haci tur loke ta na su alcance pa no ignora e yamada ey. Su mensahe final a resumi e situacion

sin biramento rond: pueblo no ta pidi, pueblo ta exige y un gobierno serio mester responde cu accion, no cu silencio y discurso bunita.


Feliz Dia di Obrero!

Celebrando e esfuerzo,
compromiso y orguyo di
Aruba su forza laboral.



SETAR

SOPÍ DI LETRANAN



¡Encuentra nombres de plantas medicinales y alimentos culturalmente significativos que tenemos en la región!

F	E	S	T	A	F	I	A	T	E	Y	Q	X	V	I	Q	U	O	K	B
M	R	U	D	A	R	H	I	E	R	B	A	B	U	E	N	A	U	G	W
P	M	S	P	V	K	Z	M	T	R	R	C	O	V	O	S	Y	R	O	J
O	R	E	G	A	N	O	O	N	G	Q	H	J	L	K	M	E	R	R	H
O	S	L	N	U	B	G	A	O	M	L	B	L	H	G	P	G	A	D	D
D	A	Z	A	C	A	T	E	L	I	M	O	N	W	N	M	P	Y	O	V
W	U	N	Y	A	R	W	U	S	T	P	B	T	I	S	K	K	F	L	N
E	C	T	O	R	O	N	J	I	L	M	O	R	A	D	O	I	I	O	L
H	O	J	P	W	Z	E	G	E	H	X	Z	A	R	P	E	E	I	B	O
I	M	U	I	C	L	E	D	U	F	H	H	U	S	Q	G	X	U	O	U
E	L	F	E	V	D	A	G	D	M	A	N	Z	A	N	I	L	L	A	H
R	K	O	G	P	B	B	D	Q	T	N	N	J	E	Q	U	G	Z	T	N
B	O	J	U	R	A	E	X	N	O	E	C	I	P	B	K	T	L	A	P
A	P	V	E	G	O	R	A	T	C	I	T	S	A	N	V	I	S	V	W
A	B	I	A	H	F	S	N	A	K	M	G	D	Z	N	O	S	Q	R	I
M	H	A	P	D	A	A	M	I	B	J	W	Q	O	E	I	G	O	M	W
A	X	E	X	J	G	F	M	V	C	O	U	D	T	L	I	A	M	U	R
R	B	E	O	I	J	W	P	K	Q	A	F	H	E	X	A	Q	Q	U	B
G	I	H	G	V	B	X	P	P	P	I	Q	M	U	E	E	D	G	W	Y
A	F	K	I	H	I	E	R	B	A	D	E	L	G	O	L	P	E	A	D

HIERBA DEL POLLO	ESTAFIATE	MANZANILLA
HOJA SANTA	HIERBA DEL GOLPE	OREGANO
TORONJIL MORADO	GIGANTON	HIERBABUENA
ARNICA	MUICLE	SAUCO
EPAZOTE	HIERBA AMARGA	GORDOLOBO
ZACATE LIMON	MELISSA	RUDA



SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		



Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

ARUBA A CONOCE E SEGUNDO MIYONARIO PA 2026 CU LOTTO!

ORANJESTAD, Aruba – 30 di april, 2026: Diamars anochi 28 di april tabata tin e sorteo miyonario di Mini Mega y Mega Plus. E numbertan ganado di Mini Mega pa diamars anochi tabata: 02-04-14-21 y e Mega Ball: 15 y manera e resultado a wordo procesa a bin haya sa cu tin 1 solo ticket ganado pero solamente pa Mini Mega. E jackpot di Mega Plus no a wordo cumpra pa e ganado y esey ta nifica cu e suma di Mega Plus a keda aden pa e siguiente sorteo. E jackpot di Mini Mega tabata Afl. 1.300.000,- y Mega Plus tabata Afl. 800.000,- di cual solamente e Afl. 1.300.000,- di Mini Mega a wordo gana.

E feliz ganado a gana e jackpot total di Mini Mega di 1 miyon 300 mil florin cu a wordo bendi na rebendado RS Lottery.

Diaranson, Aruba ta sera conoci cu e segundo feliz miyonario cu Lotto, e loteria di Aruba pa aña 2026. Kadeem ta conta cu el a cumpra numbertan loco na RS Lottery y ora cu el a haya sa cu tabata tin 1 solo ganado pa e sorteo miyonario di ayera nochi pa Mini Mega, el a bay check su ticket y pa su gran sorpresa e tabata tin e ticket miyonario di Afl. 1.300.000,-!

Mini Mega su segundo premio tambe a conoce un total di 7 ganado cu cada uno a gana e bunita suma di Afl. 9.352,-. Ticketnan ganado a wordo gana na

e siguiente lugarnan: Bo Skina di Suerte, Hary’s Lottery, Sunshine Lottery, Key Lottery 2, Wara Wara Lottery, JFK Lottery and Sports y All in One Lucky Taurus Lottery.

En conexion cu dia di Obrero diabierna awo, Lotto no lo tin sorteo merdia y anochi. Sorteo di Mini Mega y Mega Plus lo hunga diahuebs 30 di april unda cu e jackpot di Mini Mega a bira 250 mil florin y e Mega Plus cu a keda aden a bira 850 mil florin cu pone e jackpot bira un total di 1 miyon 100 mil florin pa diahuebs awo!

Lotto, E Loteria di Aruba




tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus


y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia

bida di su hungadonan y na mes momento inverti den deporte local pa medio di donacionnan na e comision di subsidio.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
		Resultado: Sorteo di Merdia - April 29, 2026	
	Sorteo # 4960	Joker Letter	
	1000	Proximo Jackpot	
	5581	210.000,-	
	0861		
	X2		
	Sorteo # 4960	Proximo Jackpot	
	7794	68.000,-	
	X5		
	1OFF		
	Sorteo # 3016		
	Sorteo # 4960	Mega Ball	
	2337	Proximo Jackpot	
	Geminis	250.000,-	
	Lucky 3		
	Sorteo # 1834		
	Sorteo #	Mega Ball	
	483	Proximo Jackpot	
	X2	Afl. 1.100.000,-	
	Sorteo #		

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
		Resultado: Sorteo di Anochi - April 29, 2026	
	Sorteo # 8834	Joker Letter	
	5466	Proximo Jackpot	
	1745	210.000,-	
	6440		
	X2		
	Sorteo # 7878	Proximo Jackpot	
	3827	12-15-24-26-27	
	FP		
	1OFF		
	Sorteo # 2583		
	Sorteo # 1865	Mega Ball 15	
	9247	Proximo Jackpot	
	7088	250.000,-	
	Geminis		
	Lucky 3		
	Sorteo # 1567	Mega Ball	
	852	Proximo Jackpot	
		Afl. 1.100.000,-	
	Sorteo #		

Minister Geoffrey Wever: CU APERTURA DI CAS VENERANDA, NOS TA CELEBRA UN MILESTONE PA CU E REVITALISACION DI CENTRO DI ORANJESTAD



Oranjestad, Aruba – Diamars, 28 di April, 2026 Minister di Finansa, Asunto Economico y Sector Primario, Geoffrey Wever, hunto cu Minister-President, colega Ministernan, Parlamentarionan, Famia Arends, señora Anne Witsenburg y henter e team di Monumenten Fonds Aruba, Departamento di Asuntonan Economico, Comercio y Industria y demas invitadonan, a celebra e apertura di Cas Veneranda.

E apertura di Cas Veneranda ta señala un milestone grandi pa cu e revitalisacion di centro di Oranjestad. Un di e metanan di Gabinete AVP-Futuro ta pa trece bida bek den Oranjestad y San Nicolas. Cu e reubicacion di departamentonan di Gobierno den edificionan historico y monumental den centro di Oranjestad, e patrimonio nacional ta sigui wordo aprecia y preserva den un manera moderno.

Minister Wever a destaca cu tres aña pasa, den su prome periodo como Minister di Asuntonan

Economico, el a traha hunto cu Stichting Monumentenfonds Aruba pa logra e proyecto aki, y a asigna fondo for di su mesun presupuesto pa inverti den e iniciativa. Parti di e edificio lo wordo ocupado door di Departamento di Asunto Economico, Comercio y Industria, mientras cu otro parti lo bira un restaurant unda hospitalidad Arubiano lo sigui briya.

E reubicacion aki lo yuda cu e meta pa atrae mas bishitante y trafico den centro di Oranjestad, creando beneficionan positivo pa e establecimentonan comercial den e bisindario. Minister Wever tambe a señala cu Gobierno a introduci varios incentivanan fiscal cu a drenta na vigor desde Januari 2026, manera e begunstigende beleid pa inversion y revitalisacion di Oranjestad y San Nicolas, e StartersRegeling pa stimula entrepreneurship, e Expat regeling pa atrae profesionalnan Arubiano den exterior pa bolbe bek Aruba, y e incentivanan di FreeZone pa haci Aruba mas atractivo pa diferente negoshi.

Hunto, e incentivanan fiscal aki ta forma un pakete atractivo cu beneficianan pa facilita empresarionan y contribui positivamente na economia di Aruba. Minister Wever a enfatisa cu Cas Veneranda ta mas cu solamente un ehempel di revitalisacion y inversion den Oranjestad. “E ta simbolico. E edificio tabata un cas di un famia Arubiano unda generacionnan a lanta y crea memorianan. Nos a dicidi pa duna bida bek — no solamente restaura, pero converti den un luga unda historia y futuro ta topa.”

E trayecto pa restauracion di Cas Veneranda, segun e Minister, tabata uno largo cu inicio den un vision cla pa revitalisa Oranjestad. For di dialogo cu Famia Arends, colaboracion cu Stichting Monumentenfonds Aruba, te na estructuracion di financiamiento cu partnernan manera Nationaal Restauratiefonds y APFA, cada paso a wordo tuma cu cuido y responsabilidad. Despues di e acuerdo, a sigui un fase tecnico

cu investigacion, diseño y preparacion pa e restauracion.

Minister Wever a enfatisa cu Gobierno so no por revitalisa Oranjestad. Pa logra e meta aki pa Aruba, ta rekeri colaboracion estrecho cu sector priva cu kere den e vision aki y cu pasonan concreto, manera di awe, ta haci e vision realidad.

Gobierno di Aruba a expresa palabra di agradecimento na tur organizacionnan cu a contribui pa haci e proyecto aki realidad, señora Anne Witsenburg y henter e team di Monumenten Fonds Aruba, Nationaal Restauratiefonds, APFA y naturalmente, Famia Arends.

“Gabinete AVP-Futuro ta tene su mes na su compromisonan cu pueblo, y cu e apertura di Cas Veneranda, nos ta orguyoso di por demonstra cu trahando hunto, nos por logra progreso real pa Aruba. Y esaki ta exactamente e tipo di progreso concreto cu pueblo di Aruba merece,” Minister Wever a conclui.